

TENTAMEN MEDICUM

INAUGURALE

DE

EPILEPSIA.

МАЛЫХ СОВЕТСКИХ

СОЮЗОВЫХ

АКАДЕМИЙ

МУЗЫКАЛЬНЫЙ

МУЗЫКАЛ

АКАДЕМИЯ

TENTAMEN MEDICUM
INAUGURALE,
DE
EPILEPSIA;

D. GEORGII BAIRD, SS. T. P.

ACADEMIÆ EDINBURGENÆ PRÆFECTI;

NECNON

Amplissimi SENATUS ACADEMICI Consensu; et

Nobilissimæ FACULTATIS MEDICÆ Decreto;

PRO

GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

ERUDITORUM EXAMINI SUBJICIT

CORNELIUS DALY, A. B.

HIBERNUS:

Ad diem 24. Junii, horâ locoque solitis.

Γενγορεῖτε οὖν, ὅτι ἐκ οἰδατε τὴν ἡμέραν οὐδὲ τὴν ᾥραν ἐν τῇ ᾧ ὁ Τίτος τῷ
Ανθρώπου ἔχεται. ΜΑΤΤΗ. cap. xxv. ver. 13.

MATTH. cap. xxv. ver. 13.

Ut jugulent homines, surgunt de nocte latrones:

Ut te ipsum serves, non expergisceris? atqui

Si noles fanus, curres hydropicus.—

Mista senum ac juvenum densantur funera: nullum

Sæva caput PROSERPINA fugit.

Hor.

EDINBURGI:

EXCUBEBANT ADAMUS NEILL ET SOCI.

M DCCC.

DEDICATIO.

QUI SQUIS,

Vitæ integritate, manibus puris, animo sincero, menteque benignâ, spectatissimus vivit, et semper de amicis optimè mereri gestiens, angustiis, difficultatibusque irretitos, *cane pejus et angue*, eos deferere fugit; huic, Tentamen hocce Medicum, qualemunque sit opusculum, studiorum meorum primitias, exiguumque testimonium quantoperè ejus amore teneor,

SACRUM ESSE PLACET.

SALVE,

SALVE,

VIR egregie, generisque humani lumen atque
decus :—Sive glacialis, sive temperata, sive plaga
solis iniqui vocabit, me tibi amicissimum atque
devinctissimum esse, memoriamque tui gratissi-
mam ;

Dum montibus umbræ
Lustrabunt convexa

pectore meo non elapsuram, crēdas. Quicunque
orbis terrarum angulus te accipit, aut quācunque
de gente originem ducis, nil moror : benignitatis,
liberalitatisque tuæ, et in hoc, et in sæculo futuro,
præmia debita consequaris. Serus in cœlum re-
deas, populisque te jam beatis diutissimè inter-
fis.

VALE, et versiculis sequentibus, quamvis incon-
ditis, quæso, te insuper salutatum esse finas.

SALVE

SALVE bis decies, iterumque, vir inclyte, Salve,
Gloria magna tui generis, dignare salutem,
Carmine agresti quamvis, nunc non temnere nostram

QUOT leges veterum, quot spes, quot semina rerum ;
Quot species generum, quot res, quot nomina regum.
Quot mala, quot sagæ, quot sunt et in æthere plagæ ;
Quot muscæ, quot cycni, quot sunt prata Caystri.
Quot cœli stellæ, quot sunt et in orbe puellæ ;
Quot certamina Trojæ, et quot spectacula Romæ.
Quot pisces, quot aves, quot sunt et in æquore naves ;
Quot vada, quot flores, quot sunt et in hisce colores.
Quot rami nervorum, et quot sunt stamina florum ;
Quot porci, quot equi, quot ludunt montibus hœdi.
Quot vivunt fures, quot sunt per gramina mures ;
Quot CODRI laudes, quot celant PROTEA fraudes.
Quot sunt virtutes,—tantas tibi mitto salutes.

EDINBURGI dabam, XI° Calend.
Julii; anno ex illibatæ VIR-
GINIS partu M,DCCC.

C. DALY.

*Quin etiam subito vi morbi s^epe coactus
Ante oculos aliquis nostros, ut fulminis ictu
Concidit, et spumas agit, ingemit, et tremit artus,
Desipit, extentat nervos, torquetur, anhelat :
Inconstanter et in jactando membra fatigat.*

LUCRET.

TENTAMEN MEDICUM

INAUGURALE

DE

EPILEPSIA.

QUICUNQUE rem aliquam ex integro tractare molitur, aut rem olim male tractatam, eoque rubigine ævi, densaque caligine submersam, refuscitare, atque in lucem proferre conatur, quasi dux regit examen; et summo nimirum gaudio afficitur, dum novum opus in animo versat, unde decus atque gloriā etiam apud posteros meritò quidem sperat. Sed mea spes, propositumque, nil tale spectant; quoniam pauca tantum de morbo dicturus sum, quem plurimi, præsertim in hac

A

Academia,

Academia, pro doctoris gradu ante me tractârunt, meliùs, clariùsque fortassè, quàm nunc ego de me promittere possum. Attamen, veteri atque laudabili hujusc loci consuetudini morem gerere cupiens, quæcunque, potissimum ex aliorum, aut meâ ipsius experientiâ, colligere potui, quàm brevissimè de Epilepsia tradere suscipio. Sed priusquam initium faciam, obtrectatoribus aliquatenus obviam ire volo, quoniam huic hominum generi, dissertationem hanc obnoxiam fore, haudquaquam me latet. Dicent fortassè quod olim celeberrimus poëta, me monitum multumque monendum esse oportere, ut privatas quæram opes, et tangere vitem quæcunque semel Palatinus recepit APOLLO; ne instar ÆSOPÆ corniculæ, furtivis nudatus coloribus, moveam risum. Istos quidem flocci pendo, iisque breviter respondeo, multò facilius esse, scriptorem dentibus atris laceſſere, quàm bonam atque puram dissertationem scribere; meque, (ut vineta cædam mea), sicut ingenuum decet, nil furripere cupientem, contra ipsorum malig-

norum,

norum, aliorumque fortè morem, omnes auctores citaturum, quorum observationibus atque experientiâ fultus, thesin hanc typis evulgare paro. Neque me confessionis hujuscemudet, quùm multorum atque peritorum quidem, si opus sit, exempla proferre possem, quos nunquam puduit in difficultatibus suis a peritioribus auxilium petere; eorumque observationibus partim fretos, opiniones suas confirmare, atque in publicum edere, quoniam unius verò cura quantumvis maxima vix unquam sufficit, vel ad unum morbum describendum ; quò magis miranda, vel potius miseranda est, nonnullorum arrogantia, qui propriâ experientiâ atque observatione, dissertationem sese scribere asserunt. Nonnulli, et non immerito forsan, dicent inconcinna, incompta-que esse verba mea, et vix ad ordinem, qui placet grammaticis, redigenda. Ad hæc tan-tum respondeo, verba, quæcunque sint, reverà (nisi quæ in ipsis auctorum citatorum verbis traduntur) esse mea, neque aliundè petita, neque pretio empta ; meque lectoris benigni
veniam

veniam rogare, quoniam a mendis esse immunita promittere non audeo.—Nunc ad propositum pergam.

DEFINITIO MORBI.

Qui hoc morbo corripiuntur, in terram repente concidunt, omni sensu privati, dum interim omnes musculi convelluntur, et sub finem paroxysmi, alto quasi sopore obruuntur.

DE MORBI NOMINE.

EPILEPSIA ἀπὸ τῆς επιλαμβάνειν derivari volunt auctores. Sicut enim olim reum lictores improvisò comprehendenterunt, sic morbus hic dirus, atque terribilis, miseris, cætera valentes, humi subitò prosternit. "Ιερην νυσον apud HIPPOCRATEM invenimus *. Nomen hoc inditum fuit, vel quòd veteres a Diis immissum esse crediderunt, vel quòd omnia magna sacra

seu

* De Morbo Sacro, cap. I, tom. x. p. 475.

seu *divina* appellârunt. Locutionis hujusce multa quidem occurrunt exempla: apud VIRGILUM, “*aurei sacra fames,*” et apud HOMERUM, “*εἰς ἀλα διαν,*” et “*ἱερον ἵχθυν.*” CELSUS, morbum *majorem* appellat *, quod nomen hodie etiam manet, præcipuè apud nostrates, qui dicunt, *an vrotight vore.* Sacri scrip-
tores †, epilepticos *σεληνιαζόμενος*, quasi lunâ percussos, nominavere.

Accuratè notante BOYTONO, æger quidam, nomine Low, in Nosocomio *Mercerienſi*, Dublinii, horam circiter quâ plenilunium erat, insultu epileptico sæpius corripi solebat, cuius ipse, dum in eodem Nosocomio medicinæ studio operam dedi, testis extiti. Ignoscat mihi lector, si supradictis addam, epilepsiam, morbum *comitialem* etiam appellari; vel quòd præcipuè in Comitiis apud *Romanos* eo morbo homines vexabantur, vel quòd Comitia in aliud tempus differebantur, si ali-
quis

* Lib. iii. cap. 23. p. 172.

† MATTH. cap. iv. ver. 24.

quis eorum qui aderant, morbo correptus,
subitò concideret.

HISTORIA MORBI.

VARIA, miraque symptomata, quæ paroxysmi tempore obseruantur, jam enumerare conabor.

Æger subitò humi prosternitur, sensibus internis atque externis penitus amissis, dum interim musculi totius ferè corporis violentissimè convelluntur.

In pessimo, atque periculofissimo morbi genere, nulla signa præmonitoria apparent, sed ægri improvisò concidunt. At hæc ferè signa paroxysmum semper præcedere solent. Caput primò vertigine non admodùm magnâ corripitur, scintillæque ante oculos volitare videntur; color purpureus, aut niger, aut iriden * æmulans, apparere etiam videtur; foni

* ARETÆUS, de Causis et Signis Morb. acut. lib. i. cap. 5. p. 1.

soni insoliti nonnullorum aures percutere videntur, dum alii malo quodam odore, aut sapore oris ingrato, seipso affici existimant.

Cel. SWIETENUS * scribit sese quosdam vidisse, qui primò scintillam parvam, quæ mox radium solarem, imitari visa est, observare solebant. Omnia quibusdam videntur quasi nebulâ involuta, et caligine hâcce subitò auctâ, concidunt. ARETÆUS † hoc signum vocat *κύνις φαντασίην*. Hic quidem prætermittere non possum, quod ipse sæpe ex epilepticis audivi; fœminam nempè ingenti corpore, truci vultu, rufisque capillis, ad eos accedere visam esse, colaphumque gravem, aut plagam acerrimam; vel genæ, vel tergo impingere,— hæc, finito paroxysmo, in memoriam revocant ægri, omnium oblii, quæ ipso paroxysmi tempore evenerunt.

Quùm insultu jam corripiantur, musculus occipito-frontalis interdum convellitur; stant comæ; supercilia commoventur, deprimuntur,
atque

* SWIETENUS apud BOERHAAV. vol. x. p. 336.

† ARETÆUS, de Causis et Signis Morb. acut. lib. i. p. 2.

atque contrahuntur; oculi fixi, truces atque prominentes videntur; palpebræ convelluntur, et plerumque clauduntur; tunicæ albugineæ tamen earum inter margines frequenter apparent*; labia nunc contrahuntur, nunc producuntur, ita ut *rostrum* æmulari videantur; os utrinque ad aures usque, ferè retrahitur; maxilla inferior a superiore violentissimè distrahitur; lingua tumida exseritur, et, nisi cura maturè adhibeatur, dentibus gravissimè vulneratur, et sæpe etiam laceratur; tum spuma, horrendum! cum sanguine mista ore ejicitur; caput miris modis rotatur, riget collum, et nunc ad pectus, nunc retrò convertitur†; brachia, manus, atque digitæ omnimo agitantur; pollex palmam versus fortiter curvatur, quod paroxysmum violentum plerumque designat.

Ructus, *borborygmi*, vomitiones, fæces, et urina insciè redditæ, partes corporis inter-

nas

* SWIETENUS apud BOERHAAV. vol. x. p. 336.

† ARETÆUS, de Cauf. et Sig. Morb. acut. lib. i. cap. 5. p. 2.

nas etiam convelli ostendunt. In principio*, pulsus parvus et frequens est; sub finem autem paroxysmi, plenior, sed tardior atque languidior fit. Respiratio quoque turbata, atque laboriosa est; musculi, quorum ope vox emititur, initio maximè afficiuntur; nam epileptici ferè omnes magno cum gemitu concidunt.

Venæ frontales, atque jugulares præcipuè, sanguine sæpe turgescere conspiciuntur, quia ob respirationem impeditam, in vasa pulmonalia sanguis transfire non potest; facies igitur livida, aut ferè nigra fit, sicut in iis qui strangulantur; quod his verbis ARETÆUS aptè designat †: “ Malæ rubent quidem, in augmen-
“ to autem mali, et faciei livor accidit, cervi-
“ cis vasa distenduntur, vox ut in strangulatu
“ aufertur,” &c. Stertor morbum comitatur; spuma non nisi sub finem paroxysmi oritur, sicut ex AURELIANO colligi potest ‡: “ Ante

B “ demissionem,

* ARET. de Caus. et Sig. Morb. acut. lib. i. c. v. p. 2.

† Ibidem.

‡ Morb. Chronicor. lib. i. cap. 5. p. 293.

“ demissionem, fieri per os, atque per nares,
 “ spumarum fluorem.” Post spumam atque
 strangulationem quandam, musculi minùs
 convelluntur, respiratio fit liberior, cum ster-
 tore tamen altoque somno; et sic tandem fini-
 tur paroxysmus. Varia exempla epilepsiae
 mirificae apud SCHENCKIUM * invenientur.

DE EFFECTIBUS.

Ex symptomatis suprà memoratis constat,
 cerebrum ejusque vasa maximè lædi atque
 agitari, ideoque memoriæ defectum, fatuita-
 tem, paralyzin, atque apoplexiam, sæpiùs fe-
 qui. Hæc enumerat cel. BOERHAAVIUS †;
 de quibus hoc modo loquitur ARETÆUS ‡:
 “ Ingenii et sensuum tarditatem, auditûs gra-
 “ vitatem,

* Lib. i. p. 103, et seq.

† BOERHAAV. § 1077. SWIETEN. Comment. vol. x.
 p. 389.

‡ De Caus. et Sign. Morb. diutur. lib. i. cap. 4.
 p. 29.

“ vitatem, tinnitus et bombos aurium, linguæ titubationem, ratiocinii perturbationem, denique fatuitatem.” Musculis paroxysmi tempore distortis, et violenter agitatis, nervi igitur qui eos intercurrunt sæpe læduntur, unde oriuntur affectiones nervosæ, contractiones, atque deformitates corporis variæ, quæ ad miserorum mortem usque permanent. Inflammatio, et si paroxysmus diu permaneat, aut sæpius recurrat, gangræna, sæpe oriuntur; quia, dum musculi vehementer convelluntur, vasa sanguifera adeò comprimuntur, ut iter solitum sanguis perficere non possit *.

Quibus autem violentiâ morbi vita eripitur, eorum corpora post mortem, præsertim si tempore paroxysmi tetano universali corripientur, nigrum vel lividum induunt colorem, præcipue facies, palpebræ, atque labia; quoniam sanguis, ut suprà dictum est, qui musculos percurrere non potest, in vasa cutanea, indeque

* SWIETENUS apud BOERHAAV. vol. x. p. 393.

indeque in telam cellulosam, effunditur*. Atque hoc quidem ipse (ni fallor) exemplo illustrare atque confirmare possum; etenim memini ex parentibus (qui, ut multis innotescit, veri amantissimi extitêre) me sæpe audisse, fratrem ante me suscepsum, sed nunquam mihi visum, quoniam eum abstulit mors immatura, notam manûs humanæ firmiter impressam post obitum in dorso habuisse, quæ res multos, nimirùm causæ ignaros, summâ admiratione affecit. Sed hæc, ut opinor, vera extitit causa: Puer admodum convulsus, ipsius manu sub mortem dorso impositâ, effusionem supradictam penitus impedivit, quoniam sanguis in partem pressam transire non posset; hoc porrò confirmatur a colore naturali partis pressæ, dum spatia circum, interque digitos, nigrum, aut lividum colorem induebant.

Borborygmi, ut anteà dictum, partes corporis interiores etiam convelli ostendunt, unde nimirùm ventriculus ad vomitiones excitatur;
diaphragmate,

* SWIET. apud BOERHAAV. vol. x. p. 393.

diaphragmate, musculisque abdominalibus, violenter convulsis, hepar igitur et vesicula fellis concutiuntur, unde bilis ore admodum copiosè ejicitur. Idem fit de succo pancreatico.

Lympha, cum muco crasso mixta, ore naribusque manat; et semen etiam masculinum, insciente ægro, violenter ejicitur *.

DE CAUSIS.

PROPTER varias species, formasque hujuscemorbi, cel. BOERHAAVIUS tradit†, causas ejus iræ divinæ, carminibus, &c. tribui solere, et, si mihi ita loqui liceat, omnia esse posita *εν γενάσι Θεῶν*. Nil mirum igitur, si ego, qui parùm quidem experientiæ, multùm autem doctissimis medicis, quorum operibus incumbo, acceptum referre possum, causas epilepsiarum in medio relinquam.

Tamen,

* Ægineta, lib. iii. cap. 13. p. 29. versa

† Aphor. § 1072.

Tamen, quantum in me est, et quantum ab aliis, “ more, modoque Matinæ apis,” colligere possum, eas breviter recensebo.

Quanquam, sectis cadaveribus eorum qui hoc morbo periére, rei anatomicæ peritissimi *, vix aliquid, quod causam præbere crederent, invenire possent, attamen, ni fallor, omnes in hoc unum consentiunt, morbum aut ex cerebri, aut cerebelli affectione provenire.

Sed obiter mihi notare liceat, nonnullos nec indoctos quidem hærere, utrum epilepsia causis naturalibus tribuenda sit, necne ; nam in Sacris Literis legimus, puerum quendam morbo epileptico, vel ei haud absimili, tenero ab ungui laborantem, a Domino nostro JESU CHRISTO, sanatum fuisse, corpore ejus diabolum, vel spiritum impurum, ejiciendo. Nonnulli autem, contrà, rem sic intelligunt ; puerum tam diu morbo vexatum, subito sanum evadere, æquè miraculo esse afferunt, ac si reverà diabolus ejiceretur. Sed quibus placet dæmona reipsâ esse ejectum, de hac interpretatione

* WILLIS, Pathol. Cereb. cap. iv. p. 49.

tione omnino hærent. Contextum igitur citare non alienum mihi videtur * :

“ ’Ιδὼν δὲ ὁ Ἰησὸς ὅτι ἐπισυντρεχεῖ ὥχλος, ἐπε-
 “ τίμησε τῷ πνεύματι τῷ ἀκαθάρτῳ, λέγων αὐ-
 “ τῷ, Τὸ πνευμὰ τὸ ἄλαλον καὶ καφόν, ἐγώ σοι
 “ ἐπιτασσώ, Εξελθε ἐξ αὐτῆς, καὶ μηκέτι εἰσελ-
 “ θης εἰς αὐτόν. Καὶ κράξαν, καὶ πολλὰ σπα-
 “ ράξαν αὐτὸν, ἐξῆλθε· καὶ ἐγενετο ὡσεὶ νεκρὸς,
 “ ὥσε πολλὰς λέγειν ὅτι ἀπέθανεν. ‘Ο δὲ Ἰη-
 “ σὸς κρατήσας αὐτὸν τῆς χειρὸς, ἤγειρεν αὐτόν·
 “ καὶ ἀνέση. Καὶ εἰσελθόντα αὐτὸν εἰς οἶκον,
 “ οἱ μαδηταὶ αὐτῆς ἐπηρώτων αὐτὸν κατ’ ἴδιαν,
 “ ‘Οτι ἡμεῖς ἐκ ηδυνήθημεν ἐκβαλεῖν αὐτό; —
 “ Καὶ εἶπεν αὐτοῖς, Τότε Τὸ γένος ἐν ὀδενὶ δύνα-
 “ Ται ἐξελθεῖν εἰ μὴ ἐν προσευχῇ καὶ νησέᾳ.’”

Discipulis posteà rogantibus, cur sibi ipsis spiritum impurum ejicere non permitteretur, respondit JESUS, hoc *precatione* atque *jejunio* tantùm fieri posse, neque iis privatim more suo explicavit diabolum non esse ejectum.

Hæc utrinque allata, neque afferere, neque refellere, mihi in animo est ; nec me quidem commovebit, quisquis malis ridebit alienis,
 quia

* MARC. cap. ix. ver. 25.—29.; et LUCÆ, cap. ix. ver. 42.

quia mihi fortè occurrit de hac re mentionem facere. Rem tantùm narro, et de eâ ut epilepsia causâ, ad libitum judicent periti. Non me latet, eos qui Sacras Literas veluti fabulosas spernunt, hanc thefeos meæ partem penitus rejecturos.

DE CAUSA PROXIMA.

CULLENUS, vim cerebri affectam esse, indeque morbum provenire dicit*; at quomodo hoc efficitur, inter alios doctissimos, dubitat, vel potius ignorat vir celeberrimus.

Tamen, eum rectè judicare ex eo constat, quòd musculi, qui nervis originem maximâ ex parte in cerebro, et partim in medullâ spinali, habentibus, mobilitatem debent, violenter convelluntur, dum sensus interni, atque externi penitus evanescunt.

Perstante igitur paroxysmo, causam proximam, aut immediatam in cerebro positam esse patet, causam autem excitantem, aut *procatarcticam*, in aliis corporis partibus domicilium habere

* CULLEN'S Practice of Physic, vol. iii. p. 349.

habere posse, sicut infrà pleniùs dicetur. Itaque, ut loquuntur medici, quùm sensus, sicut paulò ante dictum, depraventur, sensorum commune morbo laborat, dum vis, quæ musculos excitare solet, insciente animo, motus violentissimos edit.

Sensoria quidem variè afficiuntur; etenim dum alii morbum fugiunt, alii, eâdem causâ remotâ adhibitâ, miserè affliguntur; rustici, ex. gr., quorum sensoria sunt dura, atque rigida, huic malo minùs serviunt, quàm virgines teneræ, atque delicatulæ, quarum sensoria mollia, atque minùs firma, summam tenent irritabilitatem.

DE CAUSIS REMOTIS.

CULLENUS *, quem in hac parte potissimum sequi volo, causas occasioales dupliciter agere affirmat. Imò, Quæcunque vim cerebri excitant, per *Excitamentum* morbo ortum præ-

C bere

* CULLEN's Practice of Physic, vol. iii. p. 182.

bere dicit. 2dò, Quæcunque hanc vim diminuunt, per *Collapsum* morbum inducere afferit. De hoc posteriore modo, auctores ferè omnes silent.

EXCITAMENTI CAUSAS,

Has quatuor sequentes enumerat: I. Quodcunque cerebrum mechanicè stimulat; II. Aut vi quâdam chemicâ agit; III. Quùm aliquid mentem agitet, aut stimulet; et IV. denique, Quùm cerebri vasa nimio sanguine, aut fluido seroso distendantur. De his singulis pauca in ordine dicam.

CAUSÆ MECHANICÆ

PROVENIUNT aut ex vulneribus, quæ altè penetrant, cerebrumque lædunt, aut ex officiis quibusdam acutis, quæ vel intùs crescentia, vel e fractâ cranii parte orta, grāvem dolorem primò, et deinde epilepsiam, gignunt. Quæ de his dicit cl. BURSERIUS hic subjungere volo *: “Anatome, in eorum, qui ex hac

“ obierunt,

* BURSER. vol. iii. 4to.

“ obierunt, cadaveribus, sæpe cerebrum in-
 “ venit callosum, aut flaccidum, aut corrup-
 “ tum, aut in ejus ventriculis serum effusum,
 “ aut in meningibus innata ossicula, aut in
 “ calvariâ exostoses.”

CAUSÆ CHEMICÆ

SUNT, quæ lœdunt, lymphâ quâdam acri,
 et fœtidâ, ichore, pure, aut sanguine in cere-
 brum effusis, ibique permanentibus, donec
 nervi adeò stimulentur, aut comprimantur, ut
 totius corporis musculi convellantur, morbus-
 que verè epilepticus evadat. Atque in hoc
 loco, mihi subjungere liceat, quod ipse de hac
 re didici, atque oculis signavi. Secto capite
 MICHAELIS Low, de quo suprà mentionem
 feci, partim ascite, partim epilepsîa laborantis,
 multùm fluidi subflavi atque serosi, in cerebri
 ventriculis inventum fuit.

CAUSÆ MENTEM STIMULANTES.

QUÆCUNQUE mentem vehementer movent,
 atque stimulant, epilepsiam plerumque indu-
 cunt.

cunt*. Inter hæc præcipuè locum habent ira et gaudium: Hoc, ut inter omnes constat, vim cerebri maximè commovet; illa autem dupliciter vim exercet suam; non solùm etenim agit, eodem modo quo gaudium, verùm etiam vasa sanguifera magnoperè agitat, sanguinemque igitur fortiter impellit, præsertim cerebrum versus, quod itaque nimio sanguine distentum causam epilepsiae præbet. Huc fortassè non malè pertinet, quod dixit poëta †:

“ ————— Pavor est utriusque molestus;
 “ Improvisa simul species exterret utrumque:
 “ Gaudeat, an doleat: cupiat metuatne; quid ad rem?
 “ Si, quidquid vidit melius pejusve suâ spe,
 “ Defixis oculis, animoque et corpore torpet.”

Caufis supradictis mentem stimulantibus haud immeritò adjungitur alia causa, quæ fortassè non minùs valet, conspectus nempè eorum, qui hoc morbo laborant; omnes namque auctores consentiunt, morbum hoc modo

sæpe

* BURSER. vol. iii. 4to.

† HOR. lib. i. epist. 6. ver. 10. et seq.

sæpe inductum fuisse; et hujusce rei testimonium mihi perhibere licet.

PATRICIUS DALTON, æt. xxx., ascite affectus, per tres annos antequam in Nosocomium *Mercerienſe* receptus effet, morbo comitiali, subinde adhuc etiam recurrente sæpius corripi solebat. Anno superiore, quoniam ad id tempus, Nosocomii alumnus fui, hunc hominem paroxysmo epileptico vexatum vidi; et, sicut ipse, uxorque affirmârunt, morbum primò contraxit, dum quendam hoc malo cruciatum confpexit. Omnes itaque, qui corpore sunt parùm valido, aut delicato, sexus imbecillior præfertim, ut rectè notare solet BOYTONUS*, e conspectu paroxysmi epileptici, aut hysterici amoveri debent. Quâ ratione autem morbus hoc modo inducitur, explicare non tentabo, et vix quidem meum esse puto. In medio igitur relinquam.

His fortassis subjungere par est aliam causam, quæ epilepsiam veram sæpe gignit; et hæc est *epilepsia simulata*, de quâ omnes ferè auctores mentionem faciunt.

DE

* In prælect. clin.

DE CAUSA EXCITAMENTI PER NIMIAM DISTENTIONEM.

CULLENUS* distentionem hanc epilepsiam inducere affirmat, quia sectis cadaveribus hoc morbo peremptorum, cerebri vasa sanguine turgida reperta sunt; unde interdum facilè rumpuntur. Sed nonnulli volunt hoc contingere in ultimo paroxysmo, qui mortem inducit, et nil tale anteà existere. Quod autem cum CULLENO facit, ni fallor, proferre possum.

ALICIA STRONG, æt. xxii., innupta, vi^{to} Aprilis, M,DCC,XCIX, febre post mercurium laborans, in Nosocomium *Mercerense* intromissa est; morboque brevi excusso, nisi quòd de cephalalgia questa est, decimo pòst die, quùm jam Nosocomio excedere parâsse, paroxysmo, ut videtur, verè epileptico correpta, horâ ferè quintâ matutinâ, auras carpsit supremas. Quæ autem secto capite apparuere, ipsius Professoris BOYTONI verbis edere æquum mihi videtur, quoniam tum ei ægrorum cura commissa fuit:

“ Subitò

* CULLEN's Practice of Physic, vol. iii. p. 173.

“ Subitò et improvisò concidit; multùm
“ spumæ levis ore ejecit; secto capite, pars
“ duræ matris minima, juxta cerebellum, le-
“ viter inflammari videbatur, et adhærere.
“ Intra ventriculos mira quantitas sanguinis
“ atri, coagulati; in sinistro, offam referentis
“ organizatam, reperta est. Cætera omnia
“ fana.”

Vix probabile videtur, tantùm sanguinis coagulati, paroxysmo brevi in ventriculos effundi posse, et chirurgus MACKLINUS, vir quidem doctus, atque sagax, inter secundum affirmavit, offam supradictam haudquaquam subitò collectam fuisse, ideoque in ventriculo aliquamdiu extitisse. Haud alienum fortasse videatur notare, mulierem hanc nunquam anteà, quoad reperiri posset, paroxysmo epileptico laborasse; et catamenia, per tres menses ante obitum, desiderata fuisse.

CAUSÆ EPILEPSIÆ PER COLLAP-
SUM.

CULLENUS * sex causas generis hujuscem
re-
censet. I. Quum vis cerebri haemorrhagiâ,
aut aliâ causâ syncopen inferente, imminuta
fit. II. Si quis mali instantis, aut futuri
timore, aut terrore, subito afficiatur. III. Si
rei cujuspiam ingratæ odium magnum subi-
tò excitetur, quod frequenter ex aliorum pe-
riculo, aut dolore, originem dicit. IV. Odo-
res quidam saepe syncopen, indeque epilep-
siam, gignunt. V. Venena quædam, quoniam
vim narcoticam, et sedantem plerumque ha-
bent, per Collapsum morbum inducere cre-
duntur. VI. Sensatio quædam, quæ *aura*
epileptica dicitur, morbum etiam saepe indu-
cit. Sic de affectione hacce loquitur GALE-
NUS †: “ A parte aliquâ corporis incipit af-
fectus, qui deinde, sentiente ægro, ad cere-
“ brum

* CULLEN's Practice of Physic, vol. iii. p. 173.

† De locis affect. lib. iii. cap. 11.

“ brum usque ascendit.” Ex his verbis igitur colligi potest, fomitem epilepticum in variis corporis partibus esse positum, causâque occasionali adhibitâ, facilè accendi.

Auctores plerique hoc ferè modo de *aurâ epilepticaâ* loquuntur. Ægri sentiunt aliquid quasi rependo caput petere, ex quâcunque corporis parte, quæ primò afficitur, crure, femore, brachio, aut quâvis aliâ parte. Flamen quasi frigidum interdum ascendere sentiunt; et rursùs aliquid fluidum distinguere videntur. Interdum sensum habent quasi formicarum sub cute caput potentium; interdumque nil planè de sensatione discernere possunt. Capite autem tandem correpto, subitò concidunt.

Hæ sunt causæ occasioneis præcipuæ, in quibus omnibus, CULLENO doctissimo cum cel. BOERHAAVIO convenit. Huic autem sicut illi eas in ordinem redigere non placuit. Ultimæ duæ, quibus à CULLENO *Collapsus* tribuitur, ad *Excitamentum* fortassè referri videantur; at quoniam viro sagacissimo causas

ita discriminare placuit, eum sequi volui, nulla mutatione factâ.

Exemplum epilepsiae per *Collapsum*, ex casu sequenti fortasse colligi possit.

MICHAEL ROBINSONUS, æt. xxviii, ^{tria} xiiii^{to}
 Junii, M,DCC,XCIX, in Nofocomium *Merceriense* intromissus est. Anorexiâ, macie, et debilitate summâ confectus, paroxysmis verè epilepticis tandem correptus est, cum spuma oris, violentâque manuum contractione. Huic misero paroxysmi tempore ipse adfui, operamque unâ cum aliis dedi, ne violentiâ morbi seipsum perderet.

DE CAUSIS PRÆDISPONENTIBUS.

CAUSIS remotis occasionalibus enumeratis, nunc de prædisponentibus pauca dicere volo. Et ad hoc, par fortasse videatur hic distinguere causas remotas prædisponentes, à causis remotis occasionalibus. Causa remota, quæ corpori post paroxysmum adhæret, vocatur prædisponens;

prædisponens; hæc latet, neque ullum effectum edit, donec causa *procatarctica*, aut occasionalis supervenerit; tum enim epilepsiam inducit. Ita, altera alterius ope indiget, neutraque per se morbum producere potest. Causæ prædisponentes, secundum CULLENUM*, sunt, I. Mobilitas quædam, tām animi, quām corporis, quæ ex nimiâ *irritabilitate* provenit. II. Debilitas. III. Plethora. IV. Somnus.

DIAGNOSIS.

Si omnes musculi sine animi imperio convellantur, sensusque omnino evanescant, epilepsia reverà adest. Hoc modo à paralysi differt, in quâ muscularum vis penitus ferè sopitur, sensus autem, sicut ex BOERHAAVIO colligimus, aliquatenus manet. A catalepsia dignoscitur, quod in hâc, etiamsi nullum sensū vestigium permaneat, corpus tamen eundem retinet statum, quem habuit, quum primo inf

fultu

* First Lines, vol. iii. p. 200.

sultu correptum esset. Quomodo autem eam ab apoplexiâ distinguit BURSERIUS, ipsius auctoris cel. verbis edere æquum mihi videtur * :
 “ Epilepsia verò ratione sensus animalis pernitùs intercepti, maximam habet cum apoplexia affinitatem : candens quippe ferrum
 “ cuti impositum ab epileptico non sentitur ;
 “ ab apoplexiâ tamen discernitur, quòd in illâ, nempe epilepsiâ, totum corpus, si perfecta est, convellitur, inconditisque motibus exagitatur.”

Confitendum tamen est, apoplecticos interdum sub mortem maximè convelli † ; at in his, epilepsia apoplexiā tantum sequitur. Operæ pretiuni sanè est curam adhibere, ut eos reipsà hoc morbo laborantes dignoscere possimus, ab hominibus improbis, qui ad misericordiam movendam, ut pecuniam in triviis extorqueant, seu aliam ob causam pravæ indoli obedientes, affectione epilepticâ sese vexari simulant. Haudquaquam tamen difficile est

* Vol. iii. 4to.

† Vid. SWIETEN. apud BOERHAAV. vol. x. p. 329.

est in hac re verum perspicere ; nam si, tempore paroxysmi, candens ferrum cuti impositum, aut alium dolorem sentiant, morbum proculdubio fingunt. Improborum astutia optimè innotescet, ut rectè notat professor noster RUTHERFORDUS*, si nares atque oculi potissimum propriis stimulis tententur.

PROGNOSIS.

SECUNDUM cel. BOERHAAVIUM epilepsia sàpè est hæreditaria ; et inter omnes medicos, ni fallor, hanc morbi speciem immedicabilem esse convenit ; causa etenim latet, neque potest aliquis, quamvis sagax, causâ incognitâ, rectam medendi rationem inchoare.

Epilepsia *idiopathica*, ut loquuntur medici, vix medicabilis esse videtur ; namque in hac, nullum paroxysmi signum ($\muηδέν προσεμαίνων$, ut ait HIPPOCRATES) appareat, quoniam et causæ occasioneles, et prædisponentes in ipso cerebro sedem habere videntur.

De

* In prælect. clin.

De hac morbi specie, sic loquitur CELSUS * :
 “ In eodem morbo, si simul totum corpus af-
 “ ficitur, neque antè in partibus aliquis ve-
 “ nientis mali sensus est, sed ex improviso
 “ concidit, cujuscunque is ætatis est, vix
 “ sanescit.”

Alicujus corporis partis affectio, quæ pau-
 latim ad cerebrum tendit, epilepsiam inducit,
 quæ apud medicos *sympathetica*, aut *deuteropat-*
thica appellatur ; et hæc sæpe medicabilis esse
 videtur, cognito enim semel fomite, remedia
 adhibentur, quæ vim morbi crescentem co-
 hibere possunt.

RATIO MEDENDI.

QUONIAM ex supradictis constat hunc
 morbum variis causis tribuendum esse, nulla
 medendi ratio usurpari potest, nisi priùs causa
 quæque cognita sit, quæ ex variis ægrorum
 symptomatis colligenda est.

Quùm

* Lib. II. cap. viii. p. 72.

Quùm ob nimiam aciditatem primarum viarum, infantes hoc morbo laborare videantur, tum optimè subministrantur remedia, quæ hanc aciditatem corrigunt, et quàm citissimè expellunt. Si vermes, lumbrici teretes, dentitio, aut virus contagii alicujus, causam præbeant, remedia causæ unicuique propria usurpanda sunt; de quibus singulis vix meum esse videtur hìc mentionem facere.

Atque hìc tamen, de curatione *auræ epilepticæ*, de quâ suprà, pauca tradere conabor.

Quandocunque locus, à quo incipit *aura*, designari potest, aut cultro, aut *caustici potentialis* ope pars penitus exsecanda est; quùm autem tutò hoc fieri non possit, fonticulis, atque vesicatoriis tentanda est medela.

Si hæc parùm valeant, et si affectio ex nervi alicujus extremitate, originem ducere videatur, nervus hicce perfecandus est. Si nullo modo innotescat, quânam in parte præcipue sedem habeat *aura*, vinculo adhibito supra membra partem, quæ primò affici percipitur,

cipitur, paroxysmus s^epe cohibetur, morbus autem non removetur.

Oblatâ jam occasione, rem, quamvis plerique cognitam, hⁱc narrare, non alienum mihi videtur.

Fœmina quædam, triginta et octo annos nata, per duodecim annorum spatium morbo comitiali laboravit. In principio, paroxysmum semel tantùm in mense, at posteà paroxysmos violentos, quater, aut quinquies quotidiè, passa est ; unde, segnitie, atque stupideitate capta, domestica munia diutiùs exequi non posset ; et quanquam remedia multifaria adhibita essent, morbus tamen indies gravescebat. Ab imâ parte muscularum gastrocnemiorum, paroxysmus semper incipere solebat, unde, capite statim correpto, concidebat violenter convulsa cum spumâ oris. Medicus, qui paroxysmi tempore aderat, crure affecto cum fano comparato, quamvis nullum discrimen discernere posset, scalpellum tamen audaciter ad duorum pollicum altitudinem adegit ; imâque vulneris parte, tumorem durum, cartilaginis

tilaginis instar, aliquantò cicere majorem, nervoque superimpositum, invenit; quem à musculis separatum, nervo secto, excerptis. Quod quùm factum esset, ægram paroxysmus statim reliquit; sese bellè habere dixit; vigore pristino et animi, et corporis, recepto, morbus terribilis eam nunquam postea revisit*.

In universum, medendi ratio duplex est, perfecta, nempè, atque imperfecta; quarum hæc, causam occasionalem tantùm, illa autem prædisponentem removere potest. Sed difficillimum sanè esse videtur, causam illam prædisponentem delere; utpote quæ aut ex affectione hæreditariâ, cranio malè conformato, terrore matri injecto, aut quæ denique ex obstetricis temeritate, sæpe provenit †.

Aliæ etiam causæ prædisponentes adeò latent, ut medicorum peritissimi dicere non audiant, quænam, aut cujus generis sunt, aut quamnam corporis partem præcipue occupant.

E

Quùm

* Medical Essays, vol. iv. No. 27. p. 416., à SWIET. cit. apud BOERHAAV. vol. x. p. 438.

† SWIET. apud BOERHAAV. p. 411.

Quàm res igitur ita se habeat, remedium quamvis incertum tentare malunt, quàm nullum, idque sese adhibere putant, si conditio nem corporis ullo modo mutare possent.

HIPPOTRATÈM igitur sequuti, solum, atque diætam ægros mutare jubent; quia ille, medicorum lumen, notavit, omnes hoc morbo liberari, quàm ad pubertatem pervenissent; tum etenim corporis conditionem magnoperè mutari solere. His verbis rem designat*:

“Τα επιληπτικά ὄχοσοισι προ της ἥβης γινεται, μετα-
“ σασιν ίσχει. “Οχοσοισι δε πεντε και εικοσι ετεων
“ γινεται, τετεοισι τα πολλα ξυναποθυησκει.”” Multi etiam, aliis morbis supervenientibus, epilepsia liberantur. Medici jam recentiores his rebus adducti, morbi fomitem catharticis, atque emeticis fortibus, aliquatenus mutare conati sunt.

TRALLIANUS in pertinaci, atque diuturnâ morbi specie, helleborum album dare solebat†.

Hydrargyrum, stibiumque, eâdem de causâ, adhibita fuisse invenimus. Moschum HOFF-

MANNUS,

* Aphor. vii. § 5.

† Lib. i. cap. xv. p. 75.

MANNUS*, atque etiam cel. SWIETENIUS †, feliciter, ut ait ipse, dare solebant. Longinqua itinera, longæque navigationes, ad hanc mutationem efficiendam, à doctissimis multùm laudantur.

Quoniam inter causas prædisponentes suprà enumeravi mobilitatem quandam tám animi, quàm corporis, quæ plethoræ aut debilitati tribuenda est ‡, de ratione his medendi pauca tradere conabor. Aliis omittis, plethora exercitio viribus ægri accommodato, vietique tenui præcipuè, sæpe etiam fonticulis, interdum, non autem semper, sanguinis missione cohibetur.

Debilitas coërcetur frigore aëris modico, balneo frigidō, exercitio. Mobilitas, quam inducit debilitas, tonicis, atque antispasmodicis corrigitur. CULLENUS terrorem, astringentia, et balneum frigidum, inter tonica recenset §. Viscus quercinus, ob vim astringentem, summis

* Medic. Rational. tom. iv. par. 3. p. 23.

† Apud BOERHAAV. vol. x. p. 413.

‡ CULLEN's Practice of Physic, vol. iii. p. 204.

§ Ibidem, p. 216.

summis laudibus olim efferebatur; sed CULLENUS nullum fructum ex eo seipsum vidisse affirmat. Cortex Peruvianus inter alia tonica præcipue laudatur, si modò largiter, et sub accessum paroxysmi, adhibetur.

Stannum, atque arsenicum sub variis formis, commendantur; ferrum autem tutiùs, meliusque fortassis exhibetur; sed cuprum ammoniacum nunc dierum maximè celebratur, quod tamen frustra adhibitum vidi. Flores zinci etiam multùm valere dicuntur. Argentum nitratum nuperrimè datum est, sed sæpe cum evento parùm felici, sicut professor noster, HOMIUS junior, testatur*. Si morbus plethoræ tribuendus sit, tonica omnia supradicta vix profunt, imò nocent. Radix valerianæ sylvestris, ut et moschus, de quo suprà, ob vim antispasmodicam laudantur. Utrum autem opium, antispasmodicorum efficacissimum, in epilepsia administrare oporteat necne, medici certant,

* In prælect. de Mat. Med.

tant, atque adhuc sub judice lis est. Hæc de antispasmodicis dicere sufficiat, quoniam omnia enumerare, longum, et vix utile esset.

Medendi rationem, quæ ad causas occasio-
nales pertinet, imperfectam esse suprà dixi,
nam etiam si hæ removeantur, causæ prædi-
ponentes attamen manent, curationemque igi-
tur imperfectam reddunt. Quoniam autem
causas occasionales præcipuas suprà recensui,
hoc sufficiet de iis medendi ratione; nam
cum semel innotescant, haud difficulter evita-
ri possunt.

Haud inutile fortè videatur, hic obiter at-
tingere, quomodo tempore paroxysmi tractan-
dus sit æger. In primis cavendum est, ut
quam minimâ injuriâ afficiatur; in cathedrâ
magnâ melius, tutiisque fortè, quam in lectu-
lo, ponitur; omniaque removenda sunt, qui-
bus casu illidatur.

Suber, aut aliquid tale, filo vincatum, ut ad
libitum extrahatur, dentibus interponi debet,
ne lingua vulneretur, quod miferis plerum-
que accidit; linteolum involutum in hunc
usum

ufum melius esse affirmat RUTHERFORDUS noſter *.

Membra convulſa leniter extendere oportet, nam ſi viſ adhibetur, præſertim ægris tene-riſ, atque minùſ fortibus, muſculi atque li-ge-menta violentiā læſa, magnis cruciatibus poſteā affici ſolent; unde ARETAEUS † benè monet, ut partes, quæ convelluntur, manibus leniter demulceantur, oleo fricentur, membra-que molliter cohibeantur, ne paroxysmi tem-pore diſtorqueantur. Acribus etiam reme-diis nares irritare, periculofum eſſe videtur; nam ſternutando caput maximè concutitur, unde periculum fit, ne cerebri vafa, anteā turgida, nimiā diſtensione diſrumpantur.

Paroxysmo finito, ægris jam imbecillibus, feignibus, atque ſtupidis, remedia præbere oportet, quibus languentes miferorum animi excitentur. Hæc enumerare vix opus eſt.

Ex variis, dirisque hujusce morbi ſympto-matis ſuprà memoratis, fortaffè conſtabit, cur

remedia

* In prælect. clin.

† Morb. acut. lib i. cap. v. p. 84.

remedia, tām fœda, quām superstitionis, in curationem olim usurpata fuerant. Pauca ex his tradere volo, nequaquam ut vires meas in scribendo ostentarem, neque ut dissertationem hancce longiorem redderem, nugis addendo pondus ; sed reverā eo animo inductus, ut, iis etiam qui medicinæ studio nunquam incubuere, facile innotescat, quām vana, inutilia, verāque ratione indigna sint hæc remedia, quæ ob fœditatem barbaros etiam horrore, ob stoliditatem sapientes pudore afficerent. Hoc apud CELSUM* legimus : “ Qui-
“ dam jugulati gladiatoris sanguine poto, tali
“ morbo se liberaverunt, apud quos miserum
“ auxilium tolerabile miserius malum fecit.”

ARETÆUS † idem remedium adhibitum sese vidisse affirmat ; utrūm autem ægri morbo liberati fuere necne, compertum non habuit.

Adolescentem, virginemque ætate provectionem, hoc morbo laborantes, sanguinem juvenis necati, eodem die haufisse memorat TUL-

PIUS ;

* Lib. iii. cap. xxiii. p. 174.

† Morb. Diuturn. lib. i. cap. iv.

PIUS * ; morbum autem hoc remedio execrabilis augeri potius, quam imminui.

Si talia remedja epilepsiam unquam levassent, id nullo modo effectum est, nisi horrore, qui, ut anteà dixi, corporis conditionem mutare, atque ita causam prædisponentem removere posset. Sed in exemplo suprà allato, horror, quamvis quidem magnus, sicut idem tradit auctor, nullum in morbi curationem effectum edidit. Hepar humanum, crurum medullam, infantum cerebra, craniumque vio- lenter morte mulctati in pulverem redactum, hæc omnia, nefandum ! usurpata fuisse invenimus. De quibus sic loquitur PLINIUS † : “ Quis ista invenit ostenta ? tecum enim res erit eversor juris humani, monstrorumque artifex,” &c. Pulvis etiam ex ungulâ Alces, ob vim antepilepticam celebrata fuit ; de quâ, et de hoc animale, consule cel. SWIETENIUM ‡.

Traditur

* Observ. Med. lib. iv. cap. iv.

† Hist. Natur. lib. xxviii. cap. i. p. 683.

‡ Apud BOERHAAV. vol. x. p. 445.

Traditur, (sit fides penes auctores), Alcen insultu epileptico correptam, ungulâ anteriore pedis dextri in aurem infertâ, paroxysmo statim liberari; sed ex multis auctoribus, anatomesque peritis, patet, Alcen fibipſi hoc modo mederi non posse, ob nimiam crurum rigiditatem. Atque ad hoc, lectori haud ingratum fortè videatur, quod de hoc animale his verbis scribit CÆSAR*: “ Sunt item, quæ “ appellantur Alces. Harum est consimilis ca-“ preis figura, et varietas pellium; sed magni-“ tudine paullò antecedunt, mutilæque sunt “ cornibus, et crura sine nodis, articulisque “ habent, neque quietis cauſâ procumbunt; “ neque si quo afflictæ casu conciderint, eri-“ gere sese aut sublevare possunt. His sunt “ arbores pro cubilibus,” &c.

Ungula autem vim amittere creditur, nisi, die anni certo, animale vivo, securi exsecetur. Alia magis ridicula prætermitto. Quis, nisi mente captus, credere potest, hæcce futilia, aliaque ferè innumerabilia, epilepsia, cuius

F

cunque

* Lib. vi. § 25.

cunque sit speciei, aut quâcunque de causâ proveniat, mederi posse; præsertim si varias hujuscemodi morbi causas, quarum præcipuas suprà memoravi, secum in animo ritè revolvat?


Quicunque igitur remedium univérsale ant-epilepticum ex hisce, aut talibus nugis sese habere sperant, aut decipiuntur ipsis, aut alios decipere volunt.

Quoniam igitur remediis hisce specificis, ut vulgò vocantur, nullum ineſt commodum; cur non infamia, atque dedecore notantur empirici, qui ea extollere audent? Non ita quidem est, nam pro his, quæ reipsa merentur, honorem, atqué lucrum affectant. Operæ pretium sanè est cognoscere, quomodo agunt, quantoque astu negotium tractant. Si etenim morbus vim sponte remiserit, (quod quidem sæpe accidit), nullusque paroxysmus diu recurrerit; hoc statim suis remediis tribuunt: Si autem contrà, morbus remanserit, (quod frequentius fit), aut indies gravescere cœperit, culpam in ægrum transferunt, utpote qui imperata perficere non curavit; nec verò mirum,

hujuscemodi

hujuscemodi enim mandata misero dant :—
Vestimentum nigrum ne induas, hoc malum ;
super pelle caprinâ neque decumbas, neque
eam geras ; nec pedem pedi, nec manum ma-
nui superimponas ; neque pollicem dextræ
pollicem finistræ priùs attingere finas :
Limites agri tui per spatum trimestre te-
merè ne transeas, agrumque tribus circum-
scriptum angulis intrare fugias ; crura trans-
versè ne jaceant, nec die Lunæ, nec die Veneris
radere audeas ; nec aliâ aquâ laventur facies
manusque, quàm eâ, quæ limitem agri tui
præterfluit : hæc etenim omnia curationem
impediunt.—Hæc quidem, multaque alia,
miseris mandant ; quæ verò odium, atque indi-
gnationem omnium ita in empiricos excitare
debent, ut aquâ, et igne interdicantur.





БІЛОРУСЬКИЙ ГОСУДАРСТВЕННИЙ
Університет

Інститут філології

Факультет історії та теорії мовознання

Музей мовознання

Інститут філології та етнології